



Nco Ntsoov Txog Kev Ua Se Thaum Rov Qab Mus Kawm


Ntawv: Minnesota Kev Kawm Ntawv Txiaj Ntsim thiab Kev Rho

Back to School Tax Reminder: Minnesota Education Credit and Subtraction

Khaws Cia Koj Cov Ntawv Povhawj Yuav Khoom Siv rau Kawm Ntawv rau Koj Qhov Se Tau Rov Los ntawm lub Xeeb!

Thaum koj ua koj cov Minnesota se, tej zaum koj yuav siv tau koj tus menyuam cov nqi kawm ntawm los **ntxiv** lossis **rho** tawm los ua se. Ntawm no hais txog cov menyuam kawm qib kindergarten mus txog high school.

Yog koj yuav qhov nyiaj rho tawm los ntawm qho se koj tiv (credit) uas qhov se koj tiv qi dua. Yog qhov nyiaj rho tawm los ntawm qho se koj tiv (credit) ntau dua koj cov se, tej zaum koj yuav tau nyiaj rov qab. Tiam sis yog koj khwv tau nyiaj ntau, koj ua tsis tau qhov nyiaj rho tawm los ntawm qho se koj tiv (credit). Yog li ntawm, tej zaum koj siv tau qhov rho tawm.



Qhov rho tawm ua rau koj qhov nyiaj khwv tau los qi dua ces koj tiv se tsawg dua. Tiam sis koj tsis tau nyiaj rov qab los yog muab rho tawm.

Rau ntawm tej zaus tsawg, koj kuj siv tau nyiaj rho tawm los ntawm qho se koj tiv (credit) **thiab** qhov rho tawm. Nrog koj tus neeg ua se tham yog koj muaj ib tug menyuam nyob high school thiab koj them kawm ntawv qib siab lossis nyiaj rau ib lub tsev kawm ntawm ntiav.

Lub Txiaj Ntsim

Koj lub txiaj ntsim pub txog 75 feem pua ntawm cov nuj nqis tau them rau koj tus menyuam kawm qib K-12, kom tau siab li siab tau. Siv tsis tau qhov seem 25 feem pua los rho koj nqi se. Qhov nyiaj rho tawm los ntawm qho se koj tiv (credit) tau ntau tshaj \$1,000 rau ib tug menyuam hauv tsev neeg tiam sis muab luv tau yog koj khwv tau nyiaj ntau dhau lawm.

Piv txwv, yog koj muaj 1 lossis 2 tug menyuam tsim nyog, koj yuav tau qhov credit yog koj tsev neeg nyiaj khwv tau los yog \$37,500 lossis ntsawg dua. Yog koj muaj menyuam coob dua 2 tug, qhov nyiaj ciam mus txog \$2,000 rau ib tug menyuam.

Mus saib daim phiaj ntawm no: [Household Income for the K-12 Education Credit](#) uas yuav qhia txog Minnesota Department of Revenue lub vas sab: <http://www.revenue.state.mn.us>. “Nyiaj khwv tau” yog suav tagrho cov nyiaj tsis tau them se rau, xws li nyiaj ntsuab pab los ntawm nom tswv thiab lwm yam nyiaj pab them nuj nqis.

Yog koj yeej muaj txij nkawm thiab nyias ua nyias ntawv se, ces koj TSIS tau tus txiaj ntsim.

Kev Rho Nqi Se

Tej nyiaj khwv tau tsis cuam tshuam rau rho nqi ua se. Nrho tawm mus txog \$1,625 rau ib tug menyuam kawm ntawv qib K-6 thiab \$2,500 rau tus menyuam uas kawm qib 7-12.

Rau cov menyuam kawm ntawv qib 6 thiab 7, siv lub xyoo xaus rau tus menyuam qib los ua se. Rau cov menyuam pib kawm ntawv qib siab rau lub xyoo ua se, siv nqi ntawm xyoo nws kawm qib 12. Tabsis koj tsuas rho tau cov nqi muaj feem thaum tseem kawm qib 12 xwb.

Ntxiv ntawd, yog koj ua qhov rho tawm, koj tus menyuam yuav tsum mus kawm ntawv hauv Minnesota, Wisconsin, Iowa, North Dakota, lossis South Dakota.

Kuv toobkas dabtsi thiaj txais tau tus txiaj ntsim lossis qhov yuav rho nqi?

Yuav kom txais tau tus txiaj ntsim lossis qhov rho nqi se ces yuav tsum khaws tej ntawv pov thawj them nuj nqis thaum koj yuav khoom rau menyuam kev kawm ntawv, xws li tej cwj mem qhuav, mem kob, cov mem kob zas, cov phau ntawv sau, tej cav taus lej thiab lwm yam.

Koj kuj muaj feem txais tej txiaj ntsim rau tej yam xws li no:

- Tus nqi computer thiab txuj ci tshiab kawm ntawv (mus txog \$400)
- Ntiav neeg qhia ntawv
- Cov phau ntawv siv rau kev kawm
- Nqi them rau lwm tus coj menyuam mus kawm ntawv
- Kev kawm suab paj ntsha txuj
- Cov khooskas qhia ntawv tom qab lawb ntawv
- Cov kev kawm lub caij so



Ib co nqi sau tau qhov rho tawm tiam sis tsis tau nyiaj rho tawm los ntawm qho se koj tiv (credit). Piv txwv, koj siv tau cov nqi them kawm ntawv ntiav lossis kawm ntawv qib siab (thaum koj tus menyuam nyob High School) rau qhov rho tawm.

Cov Ntawv

Kom tau tus txiaj ntsim, siv daim ntawv Schedule M1ED nrog koj daim Se Minnesota State Tax Form.

Kom tau tus nqi rho tawm tus nqi se thaum koj tsev neeg dhau qhov txiaj tsim teem kawg lawm, siv daim ntawv nyob hauv Schedule M1ED lus qhia ua.

Nco ntsoov koj YUAV TSUM khaws koj cov ntawv pov thawj thaum yuav khoom thiaj txais tau cov txiaj ntsim thiab rho nqi se.

Xav Paub Ntxiv


Yog xav paub ntxiv thiab ntsiab lus txhij dua no txog yam kev siv twg thiaj rho tawm tau, mus rau Minnesota State Department of Revenue lub vas sab: <http://www.revenue.state.mn.us> thiab mus tshawb nrhiav lo lus “Education Credit and Subtraction.”

Koj kuj mus nrhiav tau ib daim [fact sheet about expenses](https://www.revenue.state.mn.us/sites/default/files/2019-01/fact_sheets/fs8.pdf) ntawm: https://www.revenue.state.mn.us/sites/default/files/2019-01/fact_sheets/fs8.pdf.

Nrhiav Kev Pab

Ua zoo xyuas kom koj tau cov nyiaj rov qab li koj yuav tsum tau, mus ntawm ib qho chaw pab ua se **pab dawb**. Xa nrhiav qhov chaw pab dawb hu rau: (651) 297-3724 lossis (800) 543-7709.

Mus saib: www.irs.gov/vita kom paub ntxiv txog cov tuaj pab ua se pub dawb ntawm koom haum Volunteer Tax Assistance (VIAT) thiab cov pab ua se rau ntawm Tax Counseling rau cov laus Elderly (TCE).



Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2022 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.